

اللقاء (21) .. #وقفات مع سورة العنكبوت .. د . حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وبيدك

الخير كله واليك يرجع الامر كله. اللهم صل على عبدك ونبيك محمد صلى الله عليه وسلم. في الاولين والآخرين - 00:00:00

وفي كل وقت وحين. اما بعد اخواني واخواتي ربنا يبارك فيكم بتوحشونا من الاسبوع للاسبوع يا جماعة. درس خطوة اولى التزام

موسوعة مشاكل المتزمين ملتزمات تدبرات في سورة العنكبوت. آآ يعني فعلا والله يا جماعة يعني ايه بتوحشونا من الاسبوع

للاسبوع دفعة سنة اولى ودفعة سنة ثانية. آآ - 00:00:30

آآ يعني آآ اخوانا واخواتنا اللي من برة الدفعتين يعني. ربنا يحفظكم يا رب. آآ انا آآ وصلني مجموعة من الابحاس آآ اللي هي تعد كأنها

ايه يعني سكاشن كده او على هامش شرح صورة العنكبوت ابحاس لمازا لا يلتزم الشباب والفتيات؟ الشباب ما بيلتزموش ليه ؟

وصلني بحس - 00:00:50

لربك فاصبر ولربك فاصبر دي من سنة اولى. ووصلني بحس الام رحمة وارثال دي برضو من سنة اولى. لمازا لا يلتزم الشباب ووصلني

بحس اسباب عدم التزام شباب للاخت رابعة آآ رمز الصمود دي من سنة ثانية طبعاً. ووصلني بحس لمازا لا يلتزم الشباب للاخت اية

محمود دي من سنة اولى. ووصلني بحس من اختنا خديجة - 00:01:10

فرج دي من سنة اولى ووصلني بحس لمازا لا يلتزم الشباب لاختنا اول شهيدة وسلسبيل ورهاب والمشتقة للفردوس ريهام دول من

سنة ثانية فبفضل ومنة الله سبحانه وتعالى انا الحاجة اللي مفرحاني يا جماعة جدا ان سنة اولى بدأ يبقى لها وجود بقى. ان انا بدأت

احس بوجود سنة اولى معنا ادي بحث اتنين ثلاثة - 00:01:30

ثلاثة اربعة ما شاء الله لا قوة الا بالله انا يعني مستني ان انا اشوف انتاج سنة اولى. مستني ان انا اشوف كوادرس سنة اولى مستني ان

انا اشوف ثمرة سنة اولى. يعني فين - 00:01:50

متحمسين منهم فين المجتهدين منهم؟ فين الاوائل منهم؟ فين اللي عندهم مواهب في الانتاج الفني؟ لدعم الانتاج الدعوي منهم.

فين لا عندهم فكر وعندهم حماس وعندهم امال في التطوير. فين طلاب التربية المتحمسين للتربية منهم؟ عايزين نستكشف آآ دفعة

سنة اولى يا جماعة لسة كنت بكلم دكتور - 00:02:00

محمد رفعت في اجتماع اداري للمعهد يعني بقول له عايزين نستكشف دفعة سنة اولى. عشان كده فكرة مجموعات التقوية اللي هي

بيعملها اوائل سنة ثانية على آآ بتوع سنة اولى ان كل حد من الاوائل يمسك مجموعة يشرح لها المواد يعني كأنه معيد سيكشن

كده. آآ من - 00:02:20

سنة اولى انا نفسي الموضوع ده اطمئن عليه. يجي لي اسماء الاوائل اللي هيعملوا مجموعات التقوية لسنة اولى. ويجي لي اسماء كل

واحدة آآ مين المجموعة بتاعتها اللي هتديها ويجي لي آآ تقرير عن ايه المجهود ومين اللي بيتابع ومين اللي بيحضر ومين اللي

بيحضرش وايه القصة يعني عايزين يا جماعة انا نفسي افهم - 00:02:40

عشان كده يعني آآ طلبة وطلبات سنة اولى انا عايز اعلم معهم لقاء مخصوص بهم. اسمه افتح لي قلبك. لقاء مخصوص بهم. دكتور

محمد بقى ان شاء الله بازن الله يشوف - 00:03:00

يعني تنفيذ هذا اللقاء ازاى ويكون برة مواعيدنا في المعهد. يعني يكون ميعاد برة اصلاً يوم الاثنين اصلاً آآ يكون لقاء كده مع طلبة

وطالبات سنة اولى بازن الله وكلهم يعرفوا بعض هذا الامر. ويبقى عبارة عن مشاكلكم الایمانية. مشاكلكم التربوية. مشاكلكم الفكرية.

مشاكلكم حتى في المذاكرة. عبارة عن افكاركم لتطوير - 00:03:10

معهد اه اه يعني يعني بعض الحاجات اللي انتم نفسكم انها تتغير في المعهد في سنة اولى. اللي انتم كنتم نفسكو انكم انتم يعني ايه عايزين تشوفوها متطورة عنكم آآ يعني بصوا يا جماعة عايزين لقاء كده مع سنة اولى. يبقى انا عايز اقابل سنة اولى واحتك بهم كويس جدا - 00:03:30

ان شاء الله بازن الله من خلال افتح لي قلبك. دكتور محمد رفعت عايز يقابل سنة اولى ويحتك بهم من خلال فكرة الورش. وتفعيل قضية الورش في سنة اولى واللقاء بقائدات الورش في سنة اولى بقى يعني بحس ان احنا نتابع الانشطة الایمانية والتعبدية. والنشاطات الایمانية في سنة اولى. واخواتنا الاوائل على دفعة - 00:03:46

سانية نفسهم انهم يلتقوا بسنة اولى في من خلال مجموعات التقوية يعني المفروض ان احنا كلنا يعني نرعى هذه الدفعة الناشئة بازن الله سبحانه وتعالى آآ لان انا زي ما توقعت ان فيهم كوادر عالية. يعني الابهاس دي بتدل بفضل منة الله ان فيه كلام آآ عالي وفيه شغل عالي ان شاء الله بازن الله. هنا نقاش النهاردة - 00:04:06

يعني النهاردة يا جماعة نتيجة ان الابهاس كتير انا مش عارف اخلي الابهاس على هامش الشرح. فانا هاخلي بازن الله سبحانه وتعالى. فانا هاحاول انا نقاش بحس من الابهاس آآ شدي بصراحة بحس ولربك فاصبر. بحس اعداد ولربك فاصبر بعنوان لما لا يلتزم الشباب. ودي من دفعة سنة اولى. آآ ركزوا معي - 00:04:26

لقد اصبح الالتزام في زماننا كلمة تصدر الرهب في ازها ن بعض الشباب ويفهمونها خطأ. يحسبون ان الالتزام حياة معقدة وهم لا يعرفون انه طريق الدخلة دي حلوة يعني انا باسميها رصد اللازمة. انا باحب دايم لما اجي اصلا ابدأ اي درس عن الاختلاط عن التبرج عن عن ارسد اللازمة ابين اللازمة ديت - 00:04:46

يعني موجودة في الواقع قد ايه ومنتشرة قد ايه. فهنا اختنا رصدت اللازمة. بعد كده بتقول بقى ايه؟ ومعنى الالتزام. فليقتها كاتبة صفحة كاملة عن معنى الالتزام فليقتها كاتبة تلتاشر تعريف للالتزام. الملتمزم هو الانسان العادي الذي قرر الا يكون عادي. الملتمزم هو الذي قرر ان - 00:05:06

اترك طريق الشهوات والشبهات. يترك الدنيا ويعلم انه سياخذ كل شيء. الملتمزم هو ذلك الانسان الذي قرر الا يرضى بالدنيا ولا يطمئن بها وهو على يقين ان ما عند الله باق. لا ينفذ. الملتمزم هو الانسان الذي قرر ان يتحمل ما كلفه الله به من اوامر ونواهي - 00:05:26 وحال لسانه يقول سمعت يا رب واطعت. الملتمزم هو ذلك الانسان الذي قرر ان يكون سعيدا فلم يجد السعادة الا في الالتزام. وحمل هم ونصره الملتمزم هو ذلك الانسان الذي قرر ان يكون غريبا في وسط اناس لا يشغلهم الا الدنيا والشهوات. الملتمزم هو ذلك الانسان الطيب - 00:05:46

الذي يسعى لارضاء الله بكل السبل الملتمزم هو ذلك الانسان الذي يحمل بين جنبيه هم اخوانه. الملتمزم هو الانسان الذي يؤذيه الناس يصبر الملتمزم هو الذي يخشع بدنه عندما يسمع القرآن. الملتمزم هو ذلك الانسان الذي قدم مراد الله على مراده. الملتمزم هو ذلك الانسان - 00:06:06

يعتصر لما حينما يجد جسد الامة قد تمزق هنا وهناك. رقم تلتاشر الملتمزم هو ذلك الانسان العادي الذي قرر الا يكون عادي. يعني هي ايه؟ جابت الاول ثاني. آآ ايه التعليق بتاعي ده على هذا الكلام؟ لان الكلام ده خطير جدا بالنسبة لكم يا جماعة - 00:06:26 التعليق ده هو ده صورة الالتزام. يعني دلوقتي اختنا ولا يا رب كفى اصبر بتدي ايه صورة الالتزام؟ ايه الديقينيشن؟ ايه التعريف؟ بتاع الالتزام فبتقول هو ده الالتزام واضح من تعريفاتها الالتزام ان هي آآ مستمعة جيدة جدا للدروس الوعزية. لان الكلام اللي هي بتقوله ده كل كلمة منه خلاصة درس - 00:06:46

من الدروس فواضح ان هي مستمعة جيدة وبتستوعب المعاني وبتقدر تجمعها مع بعض. بيدل ان هي لو اتعلمت دعوة صح ان شاء الله بازن الله يبقى فيه خير آآ انها في يوم من الايام تبقى مصدر خير لغيرها. آآ مصدر خير لغيرها سواء من البنات الغير ملتزمات او الملتمزمات الجدد. ولكن ده - 00:07:06

وتربط كويس وانطلقت كويس. طيب انا ايه تعليقي على الكلام ده بقى يا جماعة؟ انا تعليقي على الكلام ده ان الكلام ده بس لو خدناه ووقفنا يعني لو خدنا الكلام ده ووقفنا ده من اكبر - [00:07:26](#)

باب الاحباط عند الملتزمين والملتزمات. من اكبر اسباب الاحباط في التيار السلفي هو اننا نتوقف عند هذا الكلام. من اكبر اسباب الاحباط في التيار السلفي اللي مدمر نفسية الاخوة والاخوات ان كثير من الدعاة يقول الكلام ده ويسكت. الالتزام وعلو الهمة. طب وبعد كده - [00:07:36](#)

عشان كده انا بديكم قاعدة يا جماعة قاعدة عمر. القاعدة بتقول نحن مثاليون في تصور الهدف. واقعيون في تصور الطريق اللي قالته اختنا ده هو اللي ربك فاصبر ده اسمه المسالية في تصور الهدف. ان سورة الالتزام لازم تفضل عالية. وللازم كلمة - [00:07:56](#)

لازم دي تبقى كلمة خطيرة. مش اي واحد يقول لنفسه ملتزم. انا باحاول التزم. انا نفسي التزم. انما مش كل واحد طالع له شعرتين في وشه ولا كل واحدة حته قماش - [00:08:16](#)

غطت آآ انفها وفمها تبقى بقت انسانة ملتزمة وبقي انسان ملتزم. الالتزام ده كلمة كبيرة. وللازم تفضل كلمة كبيرة. يبقى انا موافق على الكلام اللي هي قالته التلاشر تعريف للالتزام. ولكن باقول ان هذا الكلام تصديره لوحده للشباب وللأخوة وللأخوات هو السبب في التحطيم النفسي - [00:08:26](#)

ليه ؟ لان انا ادبتهم مثالية في تصور الهدف. الالتزام ده شيء كبير كبير. انتم عارفين يعني ايه دين؟ يعني ايه الملتزم؟ الملتزم ده الانسان اللي قلبه مع ربنا الحياة لله. الملتزم ده هو الصوام القوام. الملتزم ده هو المجاهد المضحي. كل ده كلام جميل جدا. وهو دي الحقيقة. وهو ده الملتزم. ولكن اللي انا - [00:08:46](#)

اعترض عليه ان ما فيش بعد كده واقعيون في تصور الطريق. ان بعد ما رسمنا السورة المسالية نقوم جايبين الناس بقى نقول لهم بصوا بقى. بصوا بقى عشان توصلوا لصورة الالتزام الحقيقية في طريق. الطريق ده المسالية في تصور الطريق هي سبب تحطيم - [00:09:06](#)

السلفيين السلفيين يا جماعة او بنات وشباب السلفية العامة شعارهم مساليون في تصور الهدف مثاليون في تصور الطريق ازاى الاخ يدخل يسمع عن السلف اللي كان بيصلي الف ركعة في اليوم. وعن اللي كان بيختم القرآن مرتين كل يوم. وعن اللي هو بيموت قال لبنته يا بنيتي انا في الركن دهوت ختمت القرآن - [00:09:26](#)

الفين مرة وعن فالاخ يدخل او الاخت تدخل يبقى هو ده الدين. يبقى انا لازم النهاردة ابقى كده. شفتهم يا جماعة ركزوا معي. اللي هيركز معي ده ان شاء الله بازن الله هيبقى فاهم يعني ايه تربية نفسية. لان قضية الاحباط عند الملتزمين والملتزمات دي تبع التربية النفسية. هيبقى فاهم يعني ايه تربية نفسية - [00:09:48](#)

يقوم الاخ الداعية اللي قال له ان آآ خاتمة القرآن الفين مرة في العمر وآآ والف ركعة في اليوم وكان فلان بيسبح مية وعشرين الف مرة في اليوم. ما قالوش ان - [00:10:08](#)

الكلام ده له طريق عشان توصل له. ما قالوش ان الكلام ده فيه سلم عشان تطلع وتوصل له. هو سخنه وسابه. فرجع الاخ والاخت عايزين يطبقوا الكلام فيجي يطبقه مش عارف لان الكلام يا اخوانا بينك وبينه طريق طويل جدا جدا. طريق عمر يا جماعة فيقوم الاخ - [00:10:18](#)

احباط انا فاشل انا فاشلة الاخ فاشل والاخت فاشلة. مش فاهمين انهم مش فاشلين ولا حاجة. ولكن هم مثاليين في تصور الطريق. طيب تعالوا بقى يا جماعة نتكلم عن الواقعية في تصور الطريق. يعني ايه؟ يعني الوقتي دي اتكلمت عن الالتزام. قلنا احنا الوقتي هيدور كلامنا على كلمتين. الكلمة الاولانية - [00:10:38](#)

في تصور الهدف. يعني ايه بيسألونا في صور الهدف؟ لازم كلمة الالتزام تفضل كلمة عالية. كلمة الالتزام زكرت في القرآن ها؟ سؤال لكم كلكم. كلمة الالتزام زكرت في القرآن آآ الشاطر يكتب على الشاشة - [00:10:58](#)

الشاطر يكتب على الشاشة ونشوف ها كلمة الالتزام زكرت في القرآن اه كل اللي معي بيقولوا لأ. والكلام ده مش صح. زكرت في

القرآن ايه لأ كلمة الالتزام زكرت في القرآن - 00:11:11

غلط مش لاستقامة ولا التمسك. كلمة الالتزام مادة لام زاي ميم في بيوتوكولنا ايه بس يا اخوانا ايوة ما شاء الله دكتور محمد رفعت قالها. انلزمكموها قال لك اطول كلمتين قال لك اطول كلمتين في القرآن ايه؟ فاسقيناكموه ولنلزمكموها. يعني الكلمة نفسها ما جت

في القرآن جت كلمة يعني مش اي حد يعرف ينطقها اصلا - 00:11:26

فضلا على انه يطبقها. يعني دايم الكلمة دي من الكلمات اللي ملتزمين الجدد ما بيعرفوش يقروها. قالوا زمكموها وانتم كارهون يبقى اللي يقول لك بعد كده كلمة الالتزام دي بدعة قل له يا حبيبي ده جت في القرآن. ده ربنا على لسان سيدنا نوح قال له الزمكموها

يبقى الالتزام ان يبقى - 00:11:57

فالالتزام يا جماعة مش الدقن والنقاب. الالتزام معناه ان فيه اوراد عبادة انت لازم نفسك بها. ان فيه اوراد دعوة انت لازمة نفسك بها. ان فيه دروس نصوص ايمانية انت لازم نفسك بحضورها. يقول لك ده امر لازم. يبقى فيه حاجات انت ملازم لها. يبقى انت ملتزمة

بساعتين - 00:12:17

قايم ليل قبل الفجر انت ملتزم بجولة دعوية اسبوعية هو ده الالتزام يا جماعة. ده معنى عشان كده كلمة الالتزام دي اصلا موجودة في علم الادارة في الدنيا يقول لك ان في ثلاث محاور بيقوم عليها الحضارة والتقدم. من ضمن الثلاث محاور الالتزام. من ضمن الثلاث

محاور يعني كلمة الالتزام عند اهل الدنيا دي من اسباب الحضارة - 00:12:37

من اسباب النجاح. عشان كده صورة العنكبوت كلها انا بدرسها لكم عشان تفهموا يعني ايه التزام. لما قلنا وليعلمن الله الذين امنوا ولا الايه؟ المنافقين ده اية مكية. النفاق زكر في مكة اه. عشان تعرفوا ان ممكن واحد ملتحي ومنافق. ممكن واحدة منتقبة ومنافقة. يا

نهار - 00:12:56

اسود! يعني احنا ممكن نبقي منافقين! اه ممكن تبقوا منافقين! يعني الالتزام يعني الاخ اللي مش شغال في الدعوة! ده دينه في خطرا! الاخ اللي ساعة الفتن ما تبعد عن الدعوة وتسبب الدين وتسبب اخواتها وتقول احسن الدين بقى خطر. دي على خطر كبير جدا في

دينها. يبقى ده ده معناه عشان كده يا جماعة تربية الملتزمين - 00:13:16

الجدد والملتزمات الجدد على معنى الالتزام الصحيح من خلال سورة العنكبوت اه من خلال سورة العنكبوت ان الدين ده خطوط حمرا ما ينفعش تتكسر. ملتزم ما بيطلبش قلب ما ينفعش. ملتزمة ما بتحاولش تصلح قلبها ما تنفعش. ملتزم ما بيحضرش دروس ده مش

ملتزم اصلا. ملتزمة وما بتشتغلش في الدعوة - 00:13:36

ملتزم وما عندوش صحة صالحة وبيئة ايمان ومربي. الكلام ده يا جماعة ما ينفعش. ملتزم يعني انسان مميز عن البشرية كلها. وانسان عنده هدف انه يوصل للفردوس الاعلى يبقى كل اللي انا قلته ده بقى كل اللي انا قلته ده تبع ايه؟ ها اكتبه قدامي على

الشاشة. كل اللي فات ده تبع ايه؟ ها؟ تبع عنوان ايه - 00:13:56

عنوان عنوان الملتزم انسان مميز ايه بس كل اللي انا قلته ده تبع عنوان مثاليون في تصور الهدف. مساليون في تصورها هو ده

الالتزام. هو ده الالتزام في القرآن والسنة. تعالوا بقى ما نتكلم - 00:14:16

ام واقعيون في تصور الطريق لان طرح صورة الالتزام من غير ما نقول للناس الطريق جريمة. انا والله اخواني انا فكرت اتوقف عن الدعوة فترة والله لحد ما افهم الطريق للالتزام ايه. عشان ما ابقاش مجرم اقعد اسخن الشباب وفي الاخر يطلع ناس مرضى نفسيين

محطمين لانه مش فاهم الطريق. انتم عارفين انا دلوقتي - 00:14:38

ومنة الله معزم الكلام اللي بقوله السلم وازاي نقبل الترقب تدريجي وازاي نوصل للالتزام واحدة واحدة وقواعد النجاح في الدين عشان كده انا باعتبار الوقتي المجرم هو الاخ اللي بيسمع الكلام ده وما بيطبقوش. ليه؟ لان زمان الدروس كسير من الدروس اللي

الواحد اترى عليها ما كنش بيقول الطريق ايه؟ احنا نفسنا اتحططنا نفسيا. انا مرضت - 00:15:01

القلب وانا طالب في الكلية لان ما كانش حد بيقول لي الطريق اوصل ازاى. كله بيتكلم عن الصورة المسالية. طب اوصل ازاى؟ ما

فيش اوصل ازاى؟ فاحنا هدف سلسلة سورة العنكبوت - 00:15:21

ان انتم تتعلموا اوصل ازاى في هذا الطريق. مش بس المسالية في تصور الهدف لا الواقعية في تصور الطريق. خدوا بالكم بقى معي الطريق الى الالتزام وقواعد الوصول اللي هي الواقعية. واحد تقبل الوقعات. اللي عايز يوصل لازم يتقبل الوقعات. لازم يتقبل ان هو يقع. لازم تتقبلي انك هتقع. ايه؟ هاقع - [00:15:31](#)

ده احنا بيكلمونا عن اللي طيب مية وعشرين الف تسبيحة في اليوم والالف ركعة في اليوم والستين خاتمة قرآن في شهر رمضان. اقع ده انا لو وقعت ابقى منافقة ضايعة انا لو وقعت ابقى انسان ده انا لما باقع في معصية انا باحس ان انا منافق ومش قادر اتكلم في الدين. لان انا هو دي المشكلة بقى بتاعتنا. ان احنا - [00:15:51](#)

بنربي الناس على ان ما فيش ان ان الالتزام ده قديس. مجموعة من القديسين والقديسات. لأ في حاجة اسمها وقعة. عشان كده ايه الفرق بين الملتزم والعاصي ان مش ان الملتزم ما بيعصيش والعاصي بيعصي غلط - [00:16:11](#)
ان الملتزم لما بيعصي بيقوم ويتوب. انما العاصي لما بيعصي بيستمرى ويبكمل. هو ده الفرق. انما ده بيعق وده بيعق. والملتزم بيجاهد ويتخلص من المعصية. انما العاصي مش فارقة معه يكمل معصية او ما يكملش معصية. فهتمم انتم؟ الملتزم مرعوب انه يقابل ربنا بالمعاصي من غير ما يتوب منها. ويبطلها. انما - [00:16:25](#)

العاصي مش في دماغه. يعني ممكن ايه مش واخذ باله ان لو قابل ربنا كده ده خطر. والعياذ بالله. يبقى آآ قول رسول الله صلى الله عليه وسلم ان المؤمن خلق مفتنا - [00:16:45](#)

توابا. مفتن يعني بيتفتن وبيقع. بس توابا بيقوم ثاني بعد كل مرة. يبقى ده اول حاجة تقبل الوقعات. ده ده الطريق؟ اه ده الطريق. يعني ده لازم اللي بيحصل ده لازم يحصل. الله! ايه يا اخوانا فيه ايه! هو احنا ملايكة يا جماعة! اننا نترسم! انا الوقتي عايزك توصل تبقى صحابي مع مع النبي في الجنة عليه الصلاة والسلام. يبقى لازم افهمك ان - [00:16:55](#)

البطاطا اللي بتحصل دي ازاى تتعامل معها. وقعت انا ادبت درسين اسمهم كيف تتعامل مع معاصي السر. درسين ازاى لما تقع تقوم وتعوض؟ مش ان احنا نحطم نفسيتنا ازاى نقاوم المعصية قبل ما نقع فيها؟ ولو وقعنا بعد مجاهدة ازاى نقوم ونعوض هي اللي كانت فكرة الدرسين؟ طب رقم اتنين - [00:17:15](#)

تقبل الترقى التدريجي. يعني ايه تقبل الترقى التدريجي؟ ما فيش نطاط يا جماعة ما فيش واحد هينط. نطة يبقى من الشارع يقف على السطح بتاع دور العشرين ده في افلام آآ في افلام آآ سلفستر استالوني وافلام يا اخوانا هوليوود ده مش في الواقع يا اخوانا. في الواقع في حاجة اسمها آآ في - [00:17:32](#)

حاجة اسمها سلم واسانسير. اسانسير زي القرآن كده والعلاقة بالقرآن وسلم زي العبادات. ده في الواقع انما ما فيش في الواقع حاجة اسمها نطة تخليك طلعت الالتزام وبقيت بين يوم وليلة. ده المهدي يصنعه الله في ليلة. انما احنا مش المهدي. لازم نفهم ده كويس جدا. يبقى قبول الترقى التدريجي. عدم الشدة والاستعجال المحطم - [00:17:52](#)

مرض الشدة الشدة اللي هو المسالية ان الاخ عنده ايزو تسعتلاف واتنين في دماغه. عايزه عنده ايزو عن الالتزام. هو عايز يبقى ايه؟ يبقى عايزه في كل حاجة. والاستعجال اللي عايز يوصل بسرعة دول مدمرين. قبول الترقى التدريجي زي قول الله ايه؟ ان الذين قالوا ربنا الله ثم استقاموا ثم - [00:18:12](#)

ثم لو تفيد التراخي الزمني يبقى ربنا ماضي يعني معناها انك التزمت. استقاموا دي يعني انت بقيت انسان مستقيم مستمر عندك اورادك يعني بقيت سوبر لازم بقى بيبقى ما بين الالتزام وما بين الاستقامة فيه سم فيه قمت ووقعت وقمت ووقعت وجا لك فتور شوية وقمت الموضوع مش كده يا اخوانا - [00:18:32](#)

هو مش كده يعني يعني والله يا اخوانا يعني ايه يعني انا مش عارف اوصلها لكم ازاى انا يعني النهاردة قاعد افكر آآ ايام ما كنت انا في قناة الرحمة ايام آآ - [00:18:52](#)

لمازا محمد وعلى فين يا شباب والحاجات دي؟ آآ والسلاسل داهية آآ انا ايامها كنت معتقد ان انا مشغول جدا وان انا يعني ببزل لديني آآ بقى وما فيش بقى في حياتي حاجة تانية. فالوقت يعني فضل منة الله المسؤوليات زادت جدا. فانا الوقت لما بافكر الايام

على فين يا شباب ولمازا محمد باحس ان انا كنت بالعب. باحس ان انا الايام - 00:19:02

مصر كانت لا. وممكن ربنا يرقى الواحد لمستوى يحس ان الايام دي لعبة. يعني انا عايز اقول لكم يا جماعة ان الدين ما بيغيث قفشة يا جماعة مش قفش. الموضوع بيحي تدريجيا الموضوع بيحي تدريجي. سم استقاموا مش مرة واحدة. قال رسول الله صلى الله عليه وسلم استقيموا - 00:19:22

ولن تحصوا. سمعت معي؟ ولن تحصوا. سمعت ثاني؟ استقيموا. استمر اهو. ولن احصوا اوعي تفكرتي ان انت تعرفي تجمعني الدين في حياتك. اوعي تفكر انك هتبقى الداعية العبد المجاهد العالم ما فيش الكلام ده. النماز الزعبلية دي مش موجودة في الحياة - 00:19:39

الصحابة نفسهم كان فيه واحد تميز في العبادة. عبدالله بن عمرو بن العاص آ واحد ثاني تميز في العلم ابن عباس. واحد ثاني تميز في الجهاد. خالد بن الوليد. واحد رابع تميز في - 00:19:59
كل واحد تميز في حاجة غير الثاني يا جماعة. واحد ترابع تميز في الدعوة. مصعب بن عمير. ما فيش حاجة اسمها واحد الشخصية اللي جابت كل حاجة. ما فيش الكلام ده. يبقى ازا - 00:20:09

قبول الترقى التدريجي. يبقى رقم واحد قبول الوقعات انك انت بتقع اتنين قبول الترقى التدريجي اللي هي ثم استقاموا ولن تحصوا بعد كده رقم ثلاثة قبول المجاهدة والتضحية. ان انت لازم تضحي. مش معنى كده بقى ان الالتزام ده بقى لزيز. والحمد لله انا - 00:20:19

وقعت النهاردة بس انا ملتزمة. والحمد لله انا بعيد لسه ولكن ان شاء الله تدريجيا هترقى. ان شاء الله ولو بعد مية وسبعين سنة وهبقى انسان ملتزم كويس. لا ايه يا حبيبي ده ده تحصينات نفسية ضد الاحباط. انما قبول المجاهدة والتضحية ملتزم ما بيجاهدش. ملتزم ما بيموتش نفسه عشان يوصل - 00:20:39

ربنا ملتزمة ما بتضحيش من نومها. ما بتضحيش من دراستها. ما بيضحيش من شغله. ما بتضحيش من عصب وقتها. ما بيضحيش من لحمه ودمه عشان يوصل لربنا مش هيوصل لحاجة - 00:20:59

مش هيوصل لحاجة قبول المجاهدة والتضحية. يبقى رقم ثلاثة قبول المجاهدة والتضحية. ان لازم تضحية. رقم اربعة قبول المنهجية السير ان الدين مش في دماغك. قبول المنهجية يعني ايه قبول المنهجية؟ يعني لازم بيئة ايمان. لازم مربى. لازم صحبة. لما اقول لكم الورش يبقى لازم - 00:21:13

لما اقول لكم حفز القرآن يبقى لازم حفز القرآن. قبول احنا قلنا في سورة العنكبوت ايه؟ لسيدنا لوط بقى نبي عشان ربنا بيقول فامن له لوط له. سلم نفسه للمربي - 00:21:33

فسمع كلامه فترقى بسرعة فبقى نبي. بازن الله وباختيار الله وباصطفاء الله. يعني اللي هيسلم نفسه للمربي ها عشان كده باقول لكم سلموا نفسكم احد القرآن. سلموا نفسكم سلموا نفسكم في التربية. ولما نقول حاجة نفذوها يا جماعة اعرفوا ان فيها قيمة. لو انا ما قدرتش اتابعكم في حاجة اوعوا انتم - 00:21:43

فكروا مع نفسكم فيها. لان انا بالزبط زي الطبيب اللي وصفت للمريض اربع انواع ادوية. فانا آا عندي وقت فاضي ان كل يوم اتصل به اطمئن على النوعين الاولانيين. ما بطمنش على النوعين التانيين - 00:22:03

فهو بقى قايل ايه راح كويس ان الدكتور بقى مش واخذ باله اما ايه اما ما ياخدش نوعين التانيين ما انت يا ابني هتفضل مريض. ما هو كل ده ضرر عليك انت. لما انا اقول لكم الورع - 00:22:13

مسلا اتشغلت الشهر اللي فات عن متابعة الورش. فانتهم ما نشطتوش فيها. انت الخسران. انت الخسرانة في دينك. لان الورش دي لولا ان انا عارف خطورتها واهميتها ما كنتش عملت عليها عشرين في المية من المجموع بتاع المعهد القرآني الدعوي. يبقى يبقى لازم انتم تدركوا قيمة آا ان كل ده لدينكم فانتهم تحرصوا عليه - 00:22:23

يبقى قبول آا المنهجية وخط السير وده اللي احنا ماشيين فيه مع بعض. الحاجة الخامسة قبول الربانية وعدم التعلق. النقطة دي

لوحدها كافية لتدمير حياة اي سلفي وسلفية. واحنا كلنا سلفيين. ونؤمن بالسلفية عقيدة وليست مجرد منهج - [00:22:43](#)

انما باقول لكم يعني ايه عدم التعلق؟ التعلق بمربي معين. التعلق بشيخ معين. التعلق بدعاية معين من اهم اسباب حرمان الاخ والاخت من الوصول الى يعني يا جماعة انا آآ يعني انا انا الموضوع ده يعني ايام الكلية من الحاجات اللي عطلت لي حياتي ان انا كنت متعلق بالشيخ محمد يعقوب. متعلق به جدا انه يفضي لي انه يقعد معي - [00:23:04](#)

انه يحل لي مشاكله انه يناقشني في المشاكل اللي انا بقابلها كطالب كلية وورايا مذاكرة وورايا دنيا وورايا فتن وعايذ انطلق ومش عارف اعمل ايه ومش اجمع ما بين طموحاتي الدينية. فكنت مستني انه يقعد معي. رغم ان انا كان قدامي الشيخ امين الانصاري. وكان ايامها هو داعية. كان قدام الشيخ رضا صمدي. كان ايامها وداعية. كان قدام الشيخ هاني - [00:23:25](#)

وكان ايامها هو داعية. كان قدامي ناس كتير اكبر مني واسبق مني. ولكن انا كان دماغي قافلة يا محمد يعقوب يا بلاش يديا لأ فكانت النتيجة ان انا عطلت نفسي سنين بل حرمت يعني انا شفت رؤيا يعني ان التعلق بشخص من اسباب الحرمان من الفتح - [00:23:45](#) واعتبرتها رسالة لي ان انا ما عدش اتعلق بحد في طريقه الى الله. ايوة انا لازم يبقى لي مربي بس مش لازم فلان. ايوة انا لازم يبقى فيه داعية احبه واقرب منه بس مش لازم فلان - [00:24:05](#)

لازم النجم الفضائي. مش لازم الشيخ الي حواليه جمهور. يا جماعة فيه دعاوى مربين ومربيات ودعايات كتير جدا ولكن مش مشهورين وفي قمة الكفاءة. وفي قمة الكفاءة. القضية مش قضية انتم عندكم هنا مسلا في المعهد. عندكم دكتور عبدالرحمن عبدالمنعم. دكتور احمد سيف. دكتور ضياء. دكتور محمد فرحات. مش لازم - [00:24:15](#)

يكون بيطلع في قناة فضائية وعنده سلاسل وعنده عندكم كنوز مهولة. مين اللي بيستفاد؟ مين اللي بيستفاد؟ يبقى اذا ديت آآ خمس قواعد صغيرة يعني مش هي كل حاجة. في آآ تبع عنوان ايه ؟ خمس قواعد اللي فاتوا. انا عايز حد يكتبهم لي ويكتب لي العنوان بتاعهم - [00:24:35](#)

ها اكتبوا لي الخمس قواعد والعنوان بتاعهم ايه واقعيون في تصور الطريق والخمس قواعد ها تقبل الوقعات اتنين تقبل الترقى التدريجي ثلاثة ان الدين مش قفش ومش هيبجي مرة واحدة. ثلاثة - [00:24:54](#)

تقبل المجاهدة والتضحية. اربعة تقبل المنهجية وخط السير. ما تمشيش بدماغك. خمسة تقبل الربانية وعدم التعلق. الربانية وتقبل عدم التعلق. يبقى دي خمس حاجات آآ كل ده تعليق بس على اختنا ولا ربك فاصبر. الصفحة الاولانية من البس بتاعها وهي بتتكلم عن وهي بتتكلم عن معنى - [00:25:12](#)

التزام فانا باقول لكم يا جماعة آآ على فكرة يا جماعة آآ يعني سبحانه الله العظيم آآ فيه حاجة رقم ستة انا نسيت معلش رقم ستة انا نسيت آآ اسمها التخلص من الصورة الذهنية عن الالتزام التي مصدرها العاطفة - [00:25:37](#)

وليس العلم والفهم السليم التخلص من الصورة الذهنية العاطفية. يعني لو احنا عايزين اختصار شوية. التخلص من الصورة الذهنية العاطفية. وده من اخطر اسباب تحطيم نفسية الاخوة والاخوات التخلص من الصوم كنت لسة مع اخ من اخوانا فيا عيني هو اسير النقطة دي. فبتكلم معه في اول ما حس انها فعلا مرض - [00:25:57](#)

هل حسيت ان هو يرمي نفسه من العربية ؟ يا نهار اسود! هو انا اسير صورة ذهنية وانا باحسب نفسي باعبد ربنا! التخلص من الصورة الذهنية العاطفية الى الصورة الذهنية العلمية. التخلص من الصورة الذهنية العاطفية الى الصورة الذهنية العلمية. يعني ايه -

[00:26:20](#)

يا جماعة اكثر سبب للاحباط عند كثير من الملتزمين والملتزمات بالزات اصحاب علو الهمة. الصورة الذهنية عن الالتزام. يعني ايه صورة ذهنية التزم. يعني انا يوم ما التزمت يا جماعة الاخ اللي اتعاني للالتزام هو دايم الصورة الذهنية ديت بيلطشها الاخ او الاخت. من الاخ او الاخت اللي دعاهم للالتزام او اول داعية ارتبط بها - [00:26:40](#)

معني دايم بيلطشها في الاول. الاخ اللي عنده التزام قعد يكلمني عن واحد كان قاعد يلف على كورة مصر كلها يكلمهم عن ربنا. فانا لطشت معني الالتزام ان انا اجيب هدمتيني في مخلة على ضهري والى الدنيا كلها اكلم عن ربنا وما اروحش بيتي. فانا فضلت ست

سنين محطم نفسي - 00:27:00

وحاسس اني ضايع لان انا مش عارف اعمل كده. فهمتم بقى؟ واحد تاني دخل سمع عن السلف اللي كان بيصلي الف ركعة في اليوم. بقى الصورة الذهنية عنده على الالتزام انه ماسك المصحف - 00:27:20

وبيختم المصحف مرتين في اليوم ويبصلي ويبسبح مية وعشرين الف مرة في اليوم ويبصلي ميت ركعة في الليلة. هو ده السورة الذهنية عنده. فطول ما هو مش عارف محطم لانه مش عارف - 00:27:30

التالت الصورة الذهنية عنده على الالتزام ان هو انسان قاعد على المكتب وقافل والموبايل ما بيردش على ديكتافول ولا جرس وقاعد وسطه مقتوم على كتب العلم الشرعي ولا يخرج ولا يتكلم. فده الصورة الذهنية للالتزام. فطول ما هو مش قادر يعمل كده انا محطم انا ضايع. واحد رابع صورة ذهنية للملتزم ده انسان مكشر - 00:27:40

دور المية وحداشر ما يبضحكش على طول مهموم. على طول ده دي يا جماعة دي صورة ذهنية قاتلة. انا نفسي والله العزيم انا مرضت. انا كنت هموت بسبب الصورة الذهنية دي انها جت - 00:28:05

في فترة من الفترات اللي هي فترة ان الملتزم ده الانسان اللي شايل هم على طول مكتئب على طول محطم على طول. قاعد بقى على طول بقى يا رب انا - 00:28:15

نفسى آا على واعلى في الدين وانه لما ربنا بقى يشوفه شايل الهم ربنا هيحبه وهيرضى عنه وهيفتح عليه. كل ده وهم لا ده الالتزام ولا ده الالتزام ولا ده الالتزام. كل ده حاجات الواحد لطش في واحد خامس السورة الذهنية للالتزام عنده ان واحد بيجري ما بين الاسر الفقيرة - 00:28:25

ما بين الاعمال الخيرية ويساعد كل الناس ويخدم كل الناس ما قدرش يعمل كده او اتجوز واحدة بقى من النوع اللي بتقول له اكلني وشربني وفسحني ولبسني خليك جنبى بس يحس انه ملتزم ومحطم ومشلول وما عدش قادر يبقى ملتزم. فيه واحدة تانية الصورة الذهنية للالتزام عندها ان هي شافت - 00:28:44

الاخت فلانة بتجري من الدرس لدرس الخطبة لدرس الكلمة لجلسة فالصورة الذهنية انها تبقى زي الشيخة فلانة. الشيخة ام وفلان اللي الشخصية الوهمية في في اعطاء الدروس اللي ما وصلتش للكلام ده. غير وهي عندها خمسة وستين سنة والبت عندها سبعتاشر سنة نفسها تبقى كده زيتها. يا - 00:29:04

اخوانا نحن نعبد صور ذهنية عاطفية. لا نعبد الله. فيه حاجة اسمها الصورة الذهنية العلمية يعني ايه ايه هو الدين بقى يا ايها العلماء؟ عشان كده ربنا بيقول في سورة الكهف يا استاز ياسر اه بيقول انا جعلنا ما على الارض زينة لها. يعني ايه - 00:29:24

لها دكتور محمد يعني ايه زينة لها؟ بعض اقوال المفسرين زينة لها قالوا هم العلماء. يعني العلماء ده قول من ضمن خمس اقوال. يعني العلماء دول سر شمال الارض. العلماء دول حياتك مش هتبقى جميلة. ولا لزيظة الا لما ترتبط بالعلماء. شفتهم بقى يا جماعة قيمة العلم - 00:29:44

يبقى ازا من آآ آآ يبقى الالتزام مش كده. الالتزام ابسط من كده. وله درجات وله مراحل وله سلم. بلاش تعبدوا صورة مسالية في الحياة لازم الواحد يقعد عشرين سنة لما عارف يوصل لها. بيقول لك جاهدت في قيام الليل سنة وتلذذت بها عشرين سنة. في اسر تاني - 00:30:05

جاهدت في قيام الليل عشرين سنة عشرين سنة الراجل ده واقعي. الراجل ده واقعي. هو عايز يقوم الليل ثلاث ساعات كل ليلة بمعدل تسعين في المية من الايام كل شهر. فقعد عما - 00:30:25

للمعدل ده وبخشوع. اما اصلا المعدل ده قعد عشرين سنة ليه هو فاهم ان الموضوع سلم! هي لعبة يا جماعة! هو الدين ده لعبة! هو الدين ده كده هتنتط هتلاقي نفسك بقيت صديق ولا قديس - 00:30:38

يبقى آآ ديت النقطة الاولانية. النقطة الثانية بقى في البחס بعد ما سألونا في التصور الطريق وقعننا في صور الهدف. فبتقول بقى اختنا ولو اردنا ان ان نعرض بعض معوقات الذي الذي تقف امام الشباب بتبص لي كده ليه؟ التي تقف امام الشباب في الالتزام فهي

كثيرة جدا. فهي كثيرة - 00:30:48

جدا آآ انا هوقف عند هنا يعني مش هكمل البחס بتاعها ولا لربك فاصبر اكمله المرة الجاية. والله يا اخواني انا مش عارف اعمل ايه.

يعني انتم ما شاء الله - 00:31:08

مشاركاتكم كثيرة وجميلة وكلها طيبة. وانا حاطط الابهاس قدام اللي بيتفرج على الدرس فيديو هيشوفني دلوقتي حاطط الابهاس قدامي وقاعد اعيط قدامها. يعني هنا نقاش الابهاس دي كلها ازاي هزه الابهاس كلها يعني اه وافيدكم في كل هزه الابهاس يعني ده

بحس وده بحس وده بحس اهوت يعني سبحان الله العظيم - 00:31:18

نفسى افيدكم في كل هزه الابهاس والله يا جماعة ولكن مش عارف. عشان كده انا بسعى الان الى تزويد معيدين المعهد القرآني

الدعوي. ان انا اجيب له اجيب لكم فريق من - 00:31:38

المربين يشيلوا معي آآ الامور ديت. عشان انتم ما تبخوشو حركم. عشان انتم تدمنوا صح. عشان انتم تلاقوا فرصة. لان انا ممكن انا نقاش بحس ولا ربك فاصبر وبحس تاني المرة اللي فاتت. انما مش هقدر انا نقاش كل مرة بحس واقف عشانه. يعني ايه هضر ان انا

في الاخر ان انا اعدي الموضوع بسرعة شوية. آآ فان شاء الله نكمل - 00:31:48

آآ آآ اختنا ديت المرة الجاية اه لان يا جماعة اه يعني صراحة اه اه الواحد معذب والله يا اخواني. انا امبارح يعني صحيت من النوم

كده فقاعد زعلان وحزين كده يعني مهموم يعني مش مهموم من حاجة. مهموم من كتر بس المسئوليات - 00:32:08

ان انا حاسس ان انا ورايا مسئوليات كتير فمش عارف اعمل ايه ففتحت الموبايل كت طلبت من اخويا دكتور محمد اا علي ربنا

يحفضه وطلبت منه ايه يفيدني كده ايه - 00:32:25

بيحصل في مضاي في سوريا وايه الاخبار اللي بتحصل هناك؟ فبعت لي كمية من المقاطع والحاجات واللي بيحصل كده فانا ببص يا جماعة انا انا فزعت يا جماعة. انا احنا بني ادمين ولا وحوش ولا ايه اللي بيحصل ده يا جماعة؟ ايه اللي انا حسيت ان فيه فريسة

واقعة ومليون وحش - 00:32:35

المومن حواليا مضاي حزب الله تمحاصرها من سبع شهور. ومانع دخول لقمة عيش لها. وخلع ورقة التوت الاخيرة واعلن ان هو

بلطجي لايران في المنطقة. وايران بتدعم كل اللي بيحارب السنة. بكل ما تستطيع من امدادات. والشعار بتاعها - 00:32:55

او الركوع. وبشار ما اكتفاه ببراميل المتفجرات اللي بترميها طياراته على الناس. وما اكتفاه بالصواريخ الكيميائية المجرمة دوريا اللي رماها على الناس. ده بدأ الوقتي يحارب بسلاح التجويع. والشبيحة بتاعه بتوعه بيهتفهم. يا يفضل الاسد يا نولع البلد. ونص -

00:33:15

يعني جاية تقول هنجارب داعش تسعين في المية من غارات روسيا لا علاقة لها بامكن داعش اصلا. يعني كأن روسيا دي جاية يعني الواحد جاي يعني طب هي جاية ليه؟ طب هي جاية عايزة تعمل ايه؟ يعني هي بتضرب الاسلام ولا بتضرب ايه؟ ولا بتضرب مين؟

وامريكا بتزه اكتافها وتقول ما نقدر ما فيش بديل عن بشار حتى بعد - 00:33:35

ضرب شعبه بالصواريخ الكيميائية حتى بعد ما ضربها. ليه يا اوباما بقى ان شاء الله؟ لان يجب ان احنا نحافز على التوازن. التوازن

دي في ده مصطلح شيك. مصطلح متمنت - 00:33:55

انما المصطلح بقى اللي بيدل عليه ان ما حدش ينتصر وما حدش انهزم. تفضل دم في دم كده. ما حدش يغلب حد. ومجلس المجتمع الدولي ميرو مات خلاص. في في قرن حقوق الانسان قاعدين يشوفوا الناس بتموت من الجوع ما بينطقوش. والاتحاد الاوروبي

شعاره وانا مالي بالرمال المتحركة بتاعة الشرق - 00:34:05

ده ده لما يموت واحد من السنة. انما لو مات شيعي او يهودي بيقبلوا الدنيا والجامعة العربية جامعة الامم العربية. يا المنزر الوحيد اللي بيضحك في المشهد كله. قاعدين كده مستنيين ان سوريا تنقطع خمس ست دويلات كل طائفة تاخذ لها دويلة. والقصة تخلص

وخلصونا. مين اللي عامل - 00:34:25

للامم المتحدة بيعرب عن قلقه وبيستنكر والناس قاعدة تموت هناك. والانظمة العربية بتتفرج وهي فرحانة ليه؟ كانها بتقول للشعوب

بتاعتها شوفوا اللي ما بيشر يش اللبن يحصل له ايه في الاخر. شفتم بقى اللي بيعترضوا على الحكام وعلى الزلم بيحصل له ايه في الاخر؟ عشان بقى تفهموا بقى انكم لو اعترضتم هادين - [00:34:45](#)

بتاعتكم. دي نهاية كل واحد ما رضاش يركع للغرب. دي نهاية كل واحد رفع القرآن ورفع الشعار الاسلامي في الاصلاح. دي نهاية كل واحد ببجهر بكلمة كلمة الحق في وجه الزالم. عشان كده هم حاسين انها رسالة عايزينها تفضل. عايزينها تفضل كده تبقى رسالة للشعوب العربية. ما حدش يعترض والا دي نهاية اللي - [00:35:05](#)

ايه المشهد الاليم ده يا جماعة؟ ايه المشهد الاليم اللي احنا عايشين فيه ده؟ في رقبة مين؟ في رقبة مين؟ اللي بيحصل في في مضاي ايه في رقبة مين الناس اللي بتموت - [00:35:25](#)

الجوع في رقبة مين الاثنين واربعين الف مواطن اللي بيموتوا من الجوع على البطيء دلوقتي في رقبة مين اللي بياكله دلوقتي حشائش الارض على ورق الشجر في رقبة مين اللي عشان ما يموتوش بيغلوا الملح في الماية ويشربوه عشان ما يموتوش. في رقبة مين؟ الاطفال اللي ماليين المستشفيات هناك بامراض سوء - [00:35:35](#)

التغذية ومعرضين للموت. في رقبة مين السبعة وتلاتين اللي ماتوا من الجوع لحد دلوقتي في رقبة مين؟ ان بعض الناس وصلت انها كلت القطط والكلاب في اليومين اللي فاتوا. في رقبة مين؟ يعني انا عايز اقول لكم يا جماعة ما تخافوش يا جماعة - [00:35:55](#) ما تخافوش لو انتم فاكرين ان انا بتكلم الوقتي عشان اعمل حملة بطاطين لمضاي. او عشان اقول لكم اتبرعوا لمضاي الكلمة دي مش هدفها كده. ولا انا عايز كده ما تخافوش يا جماعة. ما - [00:36:10](#)

مش لان الغرب مش هيسيب المأساة اللي بتحصل في مضاي ديت. دي حاجة فالتة اعلامية. ده تسريب اعلامي كان غلطان هو يطلع. ولكن طلع. والغرب ازكى من انه يسبب اللي بيحصل في مضاي يستفز الناس. ويستفز الامة ويخلي الدعاء يحطوا ايدهم في ايد بعض. ويخلي الشيوخ يفوقوا ويحطوا ايدهم في ايد بعض - [00:36:20](#)

ويوحدوا الامة تاني ويفوقوا الناييمين اللي اللي حالفين بالله ان هم ما يصحوا تاني. يبقى ما تخافوش يا جماعة الغرب ازكى من كده. عشان كده كنت باقول امبارح لاخواني ان في - [00:36:40](#)

خلال ساعات الغرب هيتدخل وهيدخل معونات غذائية المضاي. النهاردة سمعت فعلا ان في آآ قوافل صغينة يعني صغيرة الحجم ولكن قوافل بدأت تدخل لمضاي ليه؟ لان الغرب ازكى من ان هو يخلي النهاية الدراماتيكية المؤلمة اللي توقظ الامة ديت تبقى هي الموت - [00:36:50](#)

وهو بيفكر هو ايه الغباء ده! ما بدل ما نموتهم بالجوع ونفوق الامة ما نموتهم بالقصف. احنا عندنا سيناريو تاني لتموت الناس ديت. ليه نموتك بالجوع لما نقدر نموتهم بالقذف ومن تحت الطريزة بيباصوا ورقة كده لحزب اللات والائران والبخار يقولوا لهم يا اغبيا يا اغبية قدامكم - [00:37:10](#)

من المتفجرات قدامكم الشبيحة والاجرام بتاعهم. قدامكم قنابل النمالم النبالم المجرمة دوليا اللي حزب الله اتقصف بها. السنة هناك. ليه للمشهد الدرامي بتاع اللي بيموت من الجوع ده بعد ما بقى هيكل عظمي. ما قدامكم ان انتم تدبحوهم. ومنزر الدم خلاص الامة خدت - [00:37:30](#)

وكله هيبص ليمون وهيقول اللهم اهلك الظالمين بالظالمين وخلينا احنا كده قاعدين. لما شفت اللي بيحصل يا جماعة لما تدبرت في اللي بيحصل قلت اللهم ارفع مقتك وغضبك عنا. دي رسالة لنا من ربنا. بس رسالة شديدة اوي. ربنا بيقول لنا فوقوا. اللي بيحصل ده اللي بيحصل ده له حكمة. ان ربنا - [00:37:50](#)

الي حصل ده له حكمة. الحكمة الاولانية يا جماعة ان يعني المتهمين في جريمة مضاي مش حزب اللات بس اللي محاصرينها. المتهمين في جريمة صفايا دول كثير اوي. الشاب اللي كل تفكيره في دينته وشهوته وبنت ماشي معها. ده مجرم مشارك في جريمة مضاي. الداعية اللي عامل نفسه الشيخ - [00:38:11](#)

قوس وحالف ليشيل الكرة الارضية على كتافه. وفكر انه لو حده هيقدر ينصر الاسلام لا الراضي يحط ايده في ايد شيخ. ولا راضي

يخط ايده في ايد داعية ثاني. ولا راضي يخط ايده في ايد - 00:38:31

اخوانه يبقى فريق يعمله لدين الله. وفاكره انه هيخلص الموضوع لوحده ومتحول لجزيرة مع جزولة ده مشارك في الجريمة. يعني عايزين نخرج الموضوع هيبقى ايه؟ ان يا جماعة الحل مش حماسي. الحل مش حماسي. الحل مش يلا ايه يلا على سوريا. زي ما

بعض الاخوة اللي عايزين كل يوم طالع على سوريا يبقى ده الحل. الحل مش - 00:38:41

الحل يا جماعة قضية المضاي وسوريا والعراق والعراق دي مش انعكاس لمشكلة اكبر. انعكاس لمشكلة تمزق الامة. احنا شوية شغلناه شوية شينات ربنا بيقول ولا تنازعوا فتفشلوا. احنا متنازعين. عشان كده فاشلين. هتسافري سوريا. هتسافر سوريا تمشي مع مين؟ مع

احرار الشام ولا مع جبهة النصرة؟ ولا - 00:39:01

داعش ولا مع الجيش الحر ولا مع الجيش اللي مش حر ولا مع مجموعة آآ القاعدة ولا هتسافر تعمل ما بين اذا كان هم نفسهم بيقطعوا في بعض اركان هم نفسهم متمزقين مع بعض. يا اخوانا احنا مصيبتنا في الامة سواء هنا في مصر او براء التمزق والتفرق. ان احنا

شوية شليها. والله العزيم الفصائل المجاهدة في - 00:39:21

سوريا لو حطت ايدها في ايد بعض لامريكا ولا روسيا ولا حد يقدر ان هو يقرب اصلا. ولا يقدر ان هو يقرب من سوريا ولكن احنا

متفرقين عاملين زي جحا. فلوسنا وقعت في حطة - 00:39:40

تدور عليها في حطة ثانية. احنا يا جماعة المشكلة في التمزق والتفرق. احنا قاعدين نقول يلا يلا يا عم الحل مش حماسي. الحل مش حماسي. الحل ان احنا نفهم اندونيسيا دولة مكونة من عشر تلاف جزيرة. عشر تلاف جزيرة كونوا دولة. احنا التيار الاسلامي عشر

تلاف جزيرة كونوا دعوة. كل شيخ جزيرة - 00:39:50

كل داعية جزيرة. كل موقع نت اسلامي جزيرة. كل جمعية خيرية جزيرة. كل كادر نشيط جزيرة. احنا مجموعة من الجزر. ما فيش اي جزيرة فيه رابط بينها وبين الثاني فاحنا ناس متمزقين. الرسالة الاخيرة يعني يعني بعد رسالة ولا تنازعوا فتفشلوا. يعني اللي انا

بقول فيها لكل داعية - 00:40:10

بعد عن اخوانه وبعد عن التعاون مع اخوانه. انت كل خطوة بعدتها عن اخ من اخوانك. انت دوست فيها على رقبة الف اخ ثاني. على مستقبل الف اخ. كانوا هيبقوا بكرة دعاء الى الله بسبب تعاونك انت والدعاة الثانيين. بسبب تعاون الموقع بتاعك والمواقع الثانية.

بسبب تعاون - 00:40:29

شغلك مع شغل الاخرين. ولكن انت دوست على مستقبل غيرك. للأسف الشديد عايزين نفوق يا جماعة من الفرقة اللي احنا فيها. اخر حاجة باقولها للشباب اللي كل قضيته شهوته ومتعته ويجري على مكاتب الهجرة لكندا ولاستراليا عشان يخلص من مصر ويخلص من

الواقع اللي هو عايش فيه ويجري يشوف شهادته ويشوف مصلحته - 00:40:49

وهو في اكثر فترة الدين محتاجه فيها بقول للشباب حسوا باخوانكم. حسوا باخوانكم بلاش. كتر الصور المؤلمة والاحداث المؤلمة يبرد دمكم. ويموت احساسكم بلاش انكم تعرضوا نفسكم لقول الله وتركوك قائما. لما سابوا النبي عشان يجروا على الدنيا. ما تجریش

على دنيتهك وتسبب دينك. ما تجریش - 00:41:09

على دنيتهك وتنسى دينك. لو انت لو انت سبت الدين لوحده في ازمته ربنا ممكن يسببك لوحده في قبرك. ربنا ممكن يسببك لوحده في مشاكل دنيتهك واخرتك ما تعرض نفسك لقول الله فاثابكم غما بغم. زي ما غميتم الدين بتخليكم عنه. فنزل عليكم الغم بالهزيمة

- 00:41:29

الكوارس اللي حصلت في الدنيا ازمة مضاي. ازمة عايزة حل يا جماعة. ازمة عايزة يعني نفهم الازمة حصلت ليه. اللهم ارفع مقتك وغضبك اللهم لا تؤاخذنا بما فعلنا ولا بما فعل السفهاء منا. ان شاء الله بازن الله يعني اه اه عايزين نعتبر من المشهد اللي بيحصل -

00:41:49

ان شاء الله بازن الله الاسبوع القادم سبحانهك اللهم وبحمدك اشهد ان لا اله الا انت استغفرك واتوب اليك - 00:42:09